

MMX-trablat



N°1

Offiziell Campzeitung vum Nationalen AvEx Summercamp

21.-31. Juli 2010 zu Stengefort

Arrivée, endlech ass et esou weit...



Elo ass et endlech esou weit, den Camp geet lass an déi éischt Gruppen sinn mam Zuch zu Kléngbetten unkomm. Vun do aus sinn si mam Bus op d'Campplaz gefouert ginn wou si no enger Gruppenfoto direkt an hieren Souscamp geschéckt goufen. Nom Check-in am Sekretariat wou all Grupp hieren Package (Campbuch, Kaap, T-shirt, ID-Kaart) krut gong et direkt lass mam Opbau vun den Zelter an den Konstruktiounen. Déi éischt kleng Verletzungen bleiwen op esou engem Camp natiirlech och net aus, esou dass d'infirmierie schon e puer Hänn voll ze dinn hat.

Shortcuts

Arrivée
Säit 1

Opriichten vum Camp
Campchef an Adjoint
Säit 2

Opriichten Souscampen
Surprise
Säit 3

Souscamp-ekipp Sofolk
Entrées Paart
Säit 4

Souscamp-ekipp E.P.O.
Entrées Paart
Säit 5

Souscamp-ekipp KuNekka
Entrées Paart
Säit 6

Pinnwand, Reporter vum
Dag, Wuss der schon,
News...
Säit 7

De Kapp am Rondel, Witz-
Eck, Wieder, Rätsel, Sudoku,
Säit 8





Opriichten vum Camp

Wéi dir hei ob den Photoen gesitt gouf an deenen leschten Deeg schon vill um Camp vun Infrastruktur asw. opgeriicht. Den Big Top, d'Toiletten, d'Duschen, d'Hikezelt, d'Sekretariat, den P.R. an nach villes méi gouf opgebaut an ageriicht. Stroum, Waasser, Telefon an Internet gouf op déi néideg Plazen verluecht. All dëst fir dass mir 10 flott Deeg zesummen um Camp zu Stengefort verbréngen. Kuckt iech einfach d'Billen un fir en Androck vun deenen leschten Deeg virum Camp ze kréien. An dësem Sënn och e decken Merci un d'Staff Lait an all aner Leit déi am Virfeld gehollef hunn fir dass dësen Camp e Succès gëtt



Romain

Kanns du dech mol kuerz virstellen?

Oh freck. Ech hunn 29 Joer an hunn ee Bouf vun 11 Méint. Ech si säit ech 16 Joer al sinn Avex-Chef zu Leideleng. Verschidder wäerte mech lo haassen, mä ech sinn Mathésproff.

Wat mécht dech zum perfektem Campchef?

Sinn ech dat dann?

Op wat frees de dech am meeschten?

Op dee Moment wou endlech Liewen an de Camp kënt an honnerte vun motivéierten Avex hiert Lager opriichten.



Campchef an Adjoint

Luss

Kanns du dech mol kuerz virstellen?

Majo, ech sinn den Avex-Commissaire an dëst Joer de Campchef-Adjoint vum Adventure MMX a probéieren dem Romain eng Hand mat unzepaken. Zu menger Persoun: ech hunn 31 Joer si bestued, hunn 2 Bouwen a wunnen zu Schous.

Wat mécht dech zum perfektem Campchef-Adjoint?

Meng Erfahrung aus deene läschte Campen: Discovery 1998
Souscampstaff; Jambalaya 2002
Infrastrukturchef; Tupelay 2006
Campchef. Mengen dat misst duergoen, fir dem perfekte Campchef zur Säit ze stoen.

Op wat frees de dech am meeschten?

Op alles, virun allem dass et endlech lass geet an dass mer 10 super Deeg erliewen ouni dass engem eppes geschitt.





Opriichten Souscampen

Nodeems d'AvEx an hier Chef um Camp ukoumen hunn si hir Zelter an Konstruktiounen opgeriicht. Am Woodstock gouf et dat noutwennegt Material fir d'Konstruktiounen opzeriichten. Si haten nawell « Chance » mam Wieder well d'Zelter waren opgeriicht wéi den éischten Reen vum Himmel erof koum.



Surprise

Laang hunn mer gewaart op déi Surprise, vun deeër schon jiddereen geschwat huet. Mat 20 Minutten Verspéidung huet een dunn awer blénkeg Rüstungen um Horizont vum Kunekka Souscamp gesinn. Impressionant huet et schon gewierkt, wei déi Wikinger an Ritter den Wee vun der Entréespaart bis erof op d'Souscampplaatz komm sinn. Spektakulär Zweekämpf hunn eis dunn erwaart, tèschent deenen eenzelnen Stämm an dono och souguer tèschent Ritter, Wikinger an Scouten. Déi ganz couragéiert waren d'Cindy an den Dani vun Esch Grenz an den Fränk vun Sandweiler. Si hunn sech oui ze zecken deenen Ritter an Wikiger an den Wee gestallt, an sech guer net esou schlecht geschloen, Bravo! (och wann et bei deem engen oder aneren nach dierft am Kapp schellen, well en der puer gudder op d'Bomm kritt huet). Dono sinn eis Krieger weider gezunn fir och op deenen aneren Souscamps ze kucken, ween Courage genuch hätt sech hinnen ze stellen.





Souscamp-Ekipp Søfolk

Wat erwaarts du dir vun den nächsten 10 Deeg?

Vill, alles gött mega cool.

Wat war bis elo däi flottst Erleefnis?

Dat flottst war wéi d'Truppen ukomm sinn. Mä et mécht och Spaass fir einfach mat de Leit ze schnëssen, zemools well nëmmen relax Truppen bei eis um Souscamp sinn.

Wat war bis elo däi schlëmmst Erleefnis?

Bis elo hat ech nach kee schlëmmst Erleefnis, et ass just e bësse blöd, dass ech gëscht alleng am Souscampstaff war.

Mat wat kann een dech bestiechen?

Mat Schokla a mat Kichelcher.

Nach eng kleng Anekdot zum Schluss?

Eng Trupp huet scho gemengt si missten hire Bulli am Lavabo vun der Wäschplaz maachen.



Entrées Paart





Souscamp-Ekipp E.P.O.

Wat erwaart dir iech vun den nächsten 10 Deeg?

Mir hoffen, dass et ee flotte Camp gëtt, mat ville flotte Momenter, gudder Stëmmung an ouni Tëschefällig.

Wat war bis elo äert flottst Erleefnis?

Dat war wéi eis Entréespaart fäerdeg opgeriicht war. Mä et ass och ee flott Erleefnis fir einfach hei dobäi kënnen ze sinn.

Wat war bis elo äert schlëmmst Erleefnis?

Déi wahnsinneg Hëtzt.

Mat wat kann een iech bestiechen?

Matt näischt, mir sinn net bestiechlech.

Nach eng kleng Anekdot zum Schluss?

Et ass nach net vill geschitt, dofir kënnen mer nach keng verzielen. Mä soubal eppes geschitt, komme mer iech et zielen.



Entrées Paart





Souscamp-Ekipp KuNekka

Wat erwaart dir iech vun den nächsten 10 Deeg?

Rou! ;-)

Nee, am Eescht: eng flott Stëmmung um Souscamp, dass d'AvEx top-scoutismus Frëndschaften schléissen an natierlech, dass mer de Kanner e bëssen eppes iwwert d'Mauern kënnen bäibréngen.

Wat war bis elo äert flottst Erleefnis?

Dat flottst war dass mer mat Zäiten alles virbereet kritt hunn an dass d'Organisatioun gëschet de Moien während der Arrivéee esou gutt geklappt huet.

Wat war bis elo äert schlëmmst Erleefnis?

De Staff huet d'Saachen net gespullt gehat.

Mat wat kann een iech bestiechen?

Also mat Schokla kann een eis net bestiechen, mä mat engem Uebstkuch si mer schon ze beaflossen.

Nach eng kleng Anekdot zum Schluss?

Haaptsaach EEN Zelt opriichten!



Entrées Paart





Wuss der schon

- Di duerchschnëttlech Reendrëps erreecht eng Vitesse vun 15 km/Stonn
- Dass d'Wahrscheinlechkeet vun engem Flieger deen erooffällt getraff ze ginn bei 1 zu 25 Milliounen leit. An d'Wahrscheinlechkeet, dass dat der grad haut geschitt leit bei 1 zu 7 Trillionen. Mir denken deen Risiko kann een agoen!

De Reporter vum Dag,

Bass du interesséiert en Artikel an d'MMX-trablat ze schreiwen an domat eisen Reporter vum Dag ze ginn?

Villäicht wëlls du jo och däin Reporterbagde man?

Dann mell dech bis spëitstens 17.00 Auer bei äis am Pr-Container fir d'Zeitung vum nächsten Dag.

Den éischten ass fir!

Pinnwand



Den Werner aus dem Friddenszelt sicht nach Leit fir Sonndes an der Mass ze hëllefen. Wann's de also en Gesangstalent bass (oder sangen der einfach nëmmen Spaass mécht), oder wann's de en Instrument spillen kanns, da komm en Samschdeg um 18.00 Auer bei den Big Top, wou dann eng kleng Prouf gemaach gëtt.

Op eiser Pinnwand kennt dir en kuerzen Message eraginn, deen dir entweder enger anerer Trupp oder awer enger einzelner Persoun wëllt loossen.

Dir kennt eis dës Matdeelung bis spëitstens 17.00 Auer am Pr-Container ofginn.

Mir sichen dann déi originellst Noriichten eraus, an déi kommen dann an d'Zeitung.



De Medicus réit:

Beim Opriichten vun Zelter, Konstruktiounen, asw. ginn et op d'mannst 100 verschidden Méiglechkeeten fir sech wéi ze doen.



Fir e Besuch am Hospiz ze vermeiden ginn et e puer ganz einfach Regeln déi's du kanns anhalen fir de Risiko vun enger Verletzung sou kleng wéi méiglech ze haalen:

- Wanns du Schaffhändschen dobäi hues, dann do déi ëmmer un wann deng Fanger a Gefor sinn, z.B. beim Piqueten aklappen, bei der Aarbecht mat Seen oder Beil an och beim Feier maachen.
- Mat festen Schong sinn deng Féiss besser geschützt wéi mat Sandalen oder Flip-Flops. Dofir: beim schaffen Bierschong undoen, fir an d'Dusch d'Flip Flops, an net ëmgedréit.
- Pass op wou's hintrëppels ! Op engem Camp leien oft Piqueten a spatzt Schaffmaterial um Buedem. An looss och keng geféierlech Saachen leien, wou herno een aaneren oder du selwer kéinns drantrëppeleenn.

News

- An der Nuecht op e Mëttwoch hu schwedesch Footballfans an der Stad randaléiert. 12 vun hinne goufe verhaft. 5 Polizisten goufe blesséiert.
- Iran: Bei engem Äerdbiewe vun 5,8 Punkten op der Richterskala sinn an der Nuecht op e Mëttwoch am Süde vum Land op d'mannst 19 Persoune blesséiert ginn.
- Géint den italienesche Coureur Alessandro Petacchi, deen dëst Joer schon 2 Etappen am Tour de France gewonnen huet, gëtt wéinst Doping enquêtéiert.
- An der 2. Ronn vun der Champions League-Qualifikatioun spillt d'Jeunesse Esch 0-0 géint AIK Solna. Domadder ass AIK nom 1-0 vum Himatch weider.

Historik / Gebuertsdag

Waat waar lass den 22 Juli ?

1933: Den Wiley Post lant no der éischter

Weltemronnung (alleng) erem gutt zu New York.

Hien war 7 Deeg, 8 Stonnen an 49 Minutten ënnerwee, an huet 11 Tëschelandungen gemat.

1894: Daat éischt Rennen am Automobilsport gëtt teschtend Paräis an Rouen ausgedroen. Den Gewënner, den Albert Dion, gëtt disqualifizéiert (*sou en Pech awer*).

2010: De Brandon Steffan vun Duelem an d' Jasmine Poncin vun Maarnech hunn Gebuertsdag.





De Kapp am Rondel

Mir sichen nom Kapp am Rondel...

Ween ass dat leien ?
Kennis du deen ?
Bass du et villäicht selwer ?

Da komm bei eis an dem PR Container laanscht Et gëtt eng kleng Iwwerraschung... ;-)

d'PR Ekip



Wieder Previsioun vun haut




D'Wiederhex mengt:

Haut deet mäin Hexeschoss extra wéi. Dat heescht de ganzen Dag ass mat Schauerer ze rechnen. D'Temperaturen ginn net iwwert 20 Grad eraus. D'Nuecht gëtt kill, mä

dréchen mat héchstens 12 Grad.



Rätsel



Wou kënt dëst Lach hier ?

Sudoku

Einfach


9			6	5	1			8
					3	6		
	6	4	9			7		
5	4		3		2	1		6
2								4
6		1	8		7		9	2
		3			9	8	6	
		2	5					
1			7	8	4			3

Mëttel

	4	3				6		
			6	9				5
8				4				7
		6	7		2		9	
	2			3			5	
	1		8		6	2		
1			9					4
5				7	1			
		2				7	8	

Witz-Eck

Kënn e Mann an eng Bibliothék a freet : "Entschëllegt, mee kënn Dir mir soe wou ech dat Buch "Der Mann ist Herr im Haus" fannen ?" Bibliothekarin : "Märercher fand Der um zweete Stack."



Zwee Déierendokteren operéieren stonnelaang un engem Elefant. No der Operatioun kuckt sech deen een Dokter ëm a seet : "Also Instrumenter hu mer dës Kéier keng am Bauch vum Elefant vergiess, mee wou as d'Infirmière ?"

